

اسلام گزینی

مدیری: حلیم ثابت

۲۷ جمادی الاولیٰ ۱۳۳۲

۱۰ نisan ۱۳۳۰

صافی ۶

ییل ۱

بولونان استقلالک ضرریت اوله رق یا پامالی یز. مختلف معنوی فعالیتلرک استقلاللی اوله برنعمتدرکه یکیدن غائب ایدلسی بزم ایچون پک الیم برضیاع اولور، چونکه بو آیریلش نتیجه ده دینک ده خصوصیتی ده اعلای بر صورتده ابرازده سبب اولدینی ایچون اوکاده خیری دوقونمشد.

بناء علیه وحدتی تأسیبه معطوف اجتهادلرده دائما آراده کی آیریلقلری کوز اوکنده بولوندیرمق لازمدور. زیرا بوتلقلیه پک بویوک زحمتلردن صوکر ایریلش اولدینی ایچون شمعی یکیدن بویله کری به دوشمه لر جائز اوله ماز. هپسندن اوکجه دینک طبعی معرفته وطبعی معرفتک علمه قارشى اولان خصوصیتلری میدانه چیقمشد.
یتمدی

راغب فخری

اسلام مطبوعاتی

بشنجی صایینک اسلام مطبوعاتی قسمنده دنج مسئله سی، عنوانیه محمود قواد اقدی طرفندن یازیلان بر مقاله درج ایدلمشدی. وبوندن ۹۶ روس مبعوثنک امضاسیله تصدیقی وقانونیت کسب ایتیه سی تکلیف اوله نه رق اصول ذبح حقتده دوما مجلسنه بر لایحه ویریلش اولدینی آکلاشیلیوردی. ایشته بومسئله غایت حساس اولان شمال مسلمانلری محیطنده غایت درین بر تأثیر حصوله کتیردی. ملی غزته لر ستونلر دولوسی یازیلر یازدی، کویلدن، قصبه لردن، هر طرفدن مسلمان فرقه سنه مظاهرت تلغرافلری ویریلدی. بالطبع حکومت مراجعت ایتک جهتی ده اونودیلا دی. روس حکومتک بر قاج متعصب مبعوثک سوزینه اویارق مسلمانلری دلگیر ایتیه چکی ذاتاً معلوم ایدی.

ایشته شو مسئله مناسبیه « ملت » غزته سنک ناشرلری موسی جلاله اقدی حضرتلرینه مراجعت ایدم رک ذبیحه مسئله سینده شریعت اسلامیه نک نقطه نظری نه دن عبارت اولدینی استفسار ایتش وشو یولده جواب آلمشدر :

« شو مسئله ده مقدس شریعتنك جوابی غایت قیصه ، غایت آچیق ، غایت آسان ایسه ده بن خاطر مده حاضر معلوماته قناعت ایتهدم . بلکه تفسیرلر ، حدیث کتابلرینه ، دوت بش مذهبك كتب فقهيته تکرار مراجعت ایتدم . طویلاتش معلوماتدن برخلاصه آلوب ، جواب یازدم ،

مانده سوره سنده اوچنجی آیت کریمه ده ، یعنی « حرمت علیکم الیه » آیت کریمه سنده ، قرآن کریم طوقوز حرامی بیان قیلدقدن صوکر « الا ماذ کیم » استثنایه حلالگی یالکز تذکیه صورتیه حصر ایتهدو .

تذکیه کلمه نك لغوی معناسی حیوان بدننده بولونان حرارت غریزیه نی ازاله ایتهدو . عرف قرآن کریمه شرعی معناسی حیوانك بوغازنی ، بویون طامارلرینی کسوب طامارلردن بوتون قانی چیقارمقدن عبارتدر .

حیوانك بدننده حرارت غریزیه حیوانك قانییه اولور . فان چیققدن صوکره بدنده حرارت غریزیه قالماز . بوکا کوره ، تذکیه سوزینك لغوی معناسیه شرعی متحد اولور .

دیمك حیوانك بوغازی بوتون بویون طامارلری قطع ایلدکجه حیوان حلال اولماز .

یوقاری ده کوستولش آیت کریمه نك بیانیه کوره ،

(۱) مینه حرامدر . یعنی تولش یاخود بوغازلانما نیجه تولدیریش حیوان لاشه سی حرام اولور . قانی آقامش حیوانك لاشه سنده انسانك لاشه تنگنه ضرر ویرمیه چك زهر بولونمق احتماله کوره . .

(۲) فان حرامدر .

فان هر نه قدر غذا اولاییلور ایسه ده ، قانده اکثریتله زهر بولتور . خسته . لکلك اکثرینه سبب اولان باکته ریه لر قانده تولد ایدر . قانده متولد باکته ریه لری بزم فقیهلر « اخلاقی سمیه » تعیر ایدرلر . انسانك وجودینه ضرر ویروز و طوبت معناسنده . بوکا کوره ، شریعت اسلامیه هر برقانی نجس اعتبار ایتهدو .

انسانلار غذا قیلنه حق حیوانی بوغازلامک بویوک فایده سی و حکمتی ده ایسته شودر .

(۳) خنزیر حرامدر .

طعام انسانک سلامتکنه ، اخلاقه تاثیر ایدر . انسانک بدنه یا اخلاقه ، مزاجه ضرر ویریهله جک طعامدن شریعت اسلامیه بوکا کورده منع ایتمشدر . خنزیری تحريم ایتک شو جهته اولسه کرک ..

(۴) طاغوتلرک ، یعنی باطل معبودلرک یرینه قربان قیلتمش حیوان حرام اولور .

مشرك هر بلر صنملرینه تقرب ، توسل خیالیه حیوانلر قربان ایدرلر ایدی . تربلهر ، صنملره تقرب قصدیه قربان بوغازلامق اسلامیت نظرند مشرک اولور ، خالص توحید اساسنه بنا قلمش اسلامیت بوکا کورده اويله قربانلری منع ایتمشدر . بوغازلامش قربانلری ده ، عقوبت مالیه اولق اوزره ، مینه کی حرام ایتمشدر ؛ قیمتلی مالک ضیاعی - برمادی مانع اولور ملاحظه سیله ..

(۵) منحقه حرامدر . یعنی بویوندن بوغولش یا خود هوا یوقلق حبسیله تولش حیوان مینه سی حرام اولور . بوراده حرمتک سبی قانک بدنه احتیاسیدر . اکرده بوغمق قصدی ایه ، حیوانی تعذیب ایتک جنایتی ده حرمتک ایکنجی سبی اولور .

(۶) موقوذه حرامدر . یعنی یا باشنه یا خود اعضالرینک یرینه وورمق صورتیه تولدیریش حیوان مینه سی حرام اولور . بوراده حرمتک اک بویوک سبی حیوانی ضرورتلر ده زیاده تعذیب ایتک جنایتی در . ضرورتلر تعذیب حیوانلری منع ایتک ملاحظه سیله ؛ موقوذه تحريم قیلتمشدر . معوثلرک لایحه سنده کؤستریلن یکی « اصول » ایله تولدیریش حیوان موقوذه اولور . قرآن کریمک صریح نصوصیله حرامدر .

(۷) متردیه حرامدر . یعنی یوقاریدن یووارلاتوب ئولش حیوان میتہسی دە حرامدر . بورادہ حرمتک سبی ایکیدر : بری قانک بدنہ بقاسیدر . دیکری قصدک یوقلغیدر . چونکہ حیوانک حلالکی ایچون غذائیت مقصود اولق شرطدر . مثلاً بر آدم حیوانک کندیسنه یاخود صاحبنه غضب قیلوب ، سیف ایله حیوانک بوغازینی طامارلرینی قطع ایدرایسه حیوان همان میتہ اولور ، حلال اولماز . بورادہ بوغازلامق وار ایسه دە ، انسانلر غدا اولق قصدی یوقدر . یوکا کوره حرام اولور .

(۸) لطیحه حرامدر . بربریلہ ووروشوب اولش حیوان حرامدر . حیوانلری ووروشدیرمق شرعاً ممنوعدر . شوقلک عقوبتی اولق اوزره ، سوزولوب اولش حیوان تحریم قیلنمیشدر . بورادہ حرمتک اولکی سیلری دە یعنی میتہک و قصد یوقلغی سیلری دە واردر .

(۹) یرتیجی حیوان طرقدن یرالاتوب اولش حیوان حرامدر . بورادہ حرمتک سبی یرتیجی حیوانک سؤری اولقددر . شریعت انسانک طعامنه بویوک قیمت ویرر ؛ سؤر کی شیلردن انسانلری منع ایدر . قصدک یوقلغی دە ، میتہک معناسی دە بورادہ ایروجه برر سیدر .

شوطقوز حرامی بیان قیلدقدن صکره قران کریم «الاماذا کیم ، استثناسیله حلالکی یالکز بر صورتہ یعنی تذکیه صورتہ حصرا یتمیشدر .

تذکیه : انسانلر غدا اولق ایچون ، حیوانک بوغازیلہ برابر بوتون بویون طامارلرینی قطع ایدوب ، حیوانی قاندن تمیزله مکدر .

جان چیقارمقده اک آسان ، حیوان ایچون دە اک المسز طریق تذکیه طریقیدر . بویون طامارلری (یعنی وریدلر ، شریانلر ، عصبیلر) قطع قلندی می ، برثانیله ایچندہ حیوانک حسی غائب اولور ؛ حیواندہ حرکت اختیاریه قالماز . برقاچ دقیقه حرکت اضطراریه دوام ایدرایسه دە ، حیوان اووقت هیچ برالم کورمنر .

نبی محترم شارع کریم حضرتلری بیورمش : « ان الله کتب علیکم الاحسان

فی کل شیء فاذا قتلتم فاحسنوا القتله واذا ذبحتم فاحسنوا الذبحه وليجد احدكم
شفرته ، وليرح ذبيحته ،

شوحدی احمد ، مسلم ، ابن ماجه ، نسائی کبی بویوک اماملر روایت ایتدیلر .
یعنی : احسان سزه هر برایشده فرضدر . حیوانی بوغازلار ایسه کزه ، اک کوزل
طریقله بوغازلایکزه . بچاغکزی غایت کسکین ایدیکز ، ذبیحه کزه ضرورتسز الم
ویرمکدن صاقککزه . حیوان حقتده اک الم سز طریقاری التزام ایدیکز .
بوتون امت اسلامیة ، بوتون مذاهب فقهیه نظر تده بالاجماع ، ذبیحه ده تذکیه شرطدر .
حیوانک بوغازیله ، یعنی نفس یولیله ، یمک ، صو یولیله برابر ، بوتون بویون
طامارلری قطع ایدیله جک . بویله اولماز ایسه ، حیوان ذکیه اولماز ، ذبیحه اولماز ،
بلکه میتة اولور .

ذبیحه ده الت قاطعه شرطدر . یعنی بچاق کبی ، قلیچ کبی آلتک کسکینلکی شرطدر .
کسکین دکل ، بلکه آغر لقیله حیوانی قتل ایدن بالطه کبی ، طوقاق کبی شیر ایله
اولدیرلش حیوان میتة اولور ، ذبیحه اولماز ، هیچ بر صورتله حلال اولماز .
موقوده میتة اولدیغی جهته قطعاً حرامدر .

نبی محترم شارع کریم علیه الصلاة والسلام حضرتلری عدی بن خاتم جنابلرینه دیمش :
« ما اصببت بحده فکل . واذا اصببت بشقله فقتل فانه وقيد فلا تأکل »
شوحدی امام بخاری روایت ایتشد .

یعنی : آلتک کسکینلکیله اولورایسه ، حلال اولور . آغر لقیله اولورایسه ،
موقوده اولق معناسیله ، حرام اولور .

تذکیه ده ینه برقاج شرط وارددر . (۱) بوغاز طرفندن اولوب ، ارقه طرفندن
اولماق . ارقه طرفندن اولورایسه ، حیوان میتة اولور . (۲) قطع ایدیله جک
بوغازی ، طامارلری بردن قطع ایتک . یواشجه قطع ایدرایسه ، ضرورتسز الم
ویزمک جهتیله حرام اولور . (۳) یالکز قطع قوتیله جان چیقماق . مثلاً :
زهرلی بچاق ایله بوغازلر ایسه حرام اولور . بوراده جان چیقماق زهر قوتیله
اولق احتماله کوره . آغر طوقاقله حیوانک باشنه شدتله اوردقدن صکره بوغازلار
ایسه ، حلال اولماز ، هان حرام اولور .

تذکیرده رعایت اولتمه سی لازم یتنه بریجه ادب واردور :

(۱) بوغاز طامارلرینی قطع ایتدکدن سوکرا بویون که مکلرینه ، حیوانک ایلکنه طوقماق ضرورتسز الم ویرمک احتیاط کوره ، حرام اولور .

(۲) حیوان بوغازلامق ایچون مخصوص بر مستور بر تعین ایتمک ؛ چونکه انسان کوزی اوکنده چوجقلر اوکنده حیوان بوغازلامق ممنوعدر .

(۳) بوغازلامه دن اول حیوانی صولامق ؛ یومشاقلق ایله حیوانی صول طرفه یاتیرمق ؛ ایقلرینی باغلامق ؛ ذبحدن سوکرا حیوانی کندی جاله براقمق ؛ چونکه حیوانک حرکت اضطراریه سی حیوانه بر پارچه راحتک ویره ییلور .

(۴) بوغازلانمق حیوانلره ییغنی کویسترمه مک ؛ حیوانک کوزی اوکنده حیوان بوغازلاماق ؛ جانی تمام چیقمازدن اول حیوانک درینسی یوزمک ؛ اغضالرینی کسمه مک ؛ یوکلرینی یولماق .

(۵) اللری قوتلی ، غافل آدم ذبح ایتمک .

اللری ضعیف انسان ذبح ایدرایسه ، حیوانک المی زیاده اولور . ضرورتسز الم زیاده لشدیرمک حرامدر .

صبی ، مجنون ذبح ایدرایسه ، حیوان میتة اولور ، حرام اولور .

بزم شریعت اسلامیه نظرندہ حیوان یا ذکیه در ، یا میتة در . ذکیه خلال اولور . میتة حرامدر ، اکلی ده جائز دکلدور ؛ طعام اولق اوزره یینی ده جائز دکلدور . یعنی مسلمانلره حرام طعامی اجنیلر ده صامق جائز دکلدور .

اسلامیتده ذبیحه مسئله سی هم ضرورت هم طهارت هم مرحمت هم امانت اساسلرینه میندر .

اسلام صیوائی

باب مشیخت

دارالجمہورت باب فترا سنک برافتناسی — بچلر ده کوشخانه لی بعضی قارداشلرین طرفندن جمعه و بایرام نمازلر تده خطبه لری تورکجه اوقونملری جائز اولوب اولمادینی استفتا ایدیلش . باب والای فتواده تورکجه خطبه مک تحریماً مکروه اولدیغنی بیلدیرمشدور .

بزه حالا بو دورلو فتوالر ده دوام ایدیله سنک معناسنی آکلایه میورز . عجیب ،